

**ՄՅՈՒՆԻՔԻ ՄԱՐԶՊԵՏ ՌՈԲԵՐՏ ՂՈՒԿԱՍՅԱՆԻ
ՇՆՈՐՀԱՎՈՐԱՆՔԸ՝ ԲԱՆԱԿԻ ՕՐՎԱ ԿԱՊԱԿՑՈՒԹՅԱՄԲ**
28.01.2026



Միրելի՛ հայրենակիցներ

Հայոց բանակի հարգարժա՛ն սպաներ և զինվորներ

Այսօր մեր պետականության ամենամկրակա՛ն տոներից մեկն է՝ ՀՀ զինված ուժերի կազմավորման օրը:

Հունվարի 28-ը խորհրդանշում է մեր ժողովրդի հավաքական կամքը, ազատ ապրելու իրավունքն ու պետականության կերտման՝ մեր ընտրած հաստատուն ճանապարհը: Բանակը ստեղծվեց մեր նորանկախ հայրենիքի համար բարդ ու վճռորոշ տարիներին՝ միասնական կամքի և նվիրվածության շնորհիվ: Տարիների ընթացքում այն դարձավ Հայաստանի անվտանգության, խաղաղ կյանքի և պետականության ամրության հիմնասյուներից մեկը:

Խորին երախտագիտությունս բոլոր նրանց, ովքեր կանգնած են եղել կանոնավոր բանակի ստեղծման ակունքներում, ովքեր տարբեր ժամանակներում մասնակցել են նրա կազմավորմանը, կայացմանն ու հզորացմանը, բոլոր նվիրյալներին, որոնց ծառայությամբ ամրապնդվել է մեր պաշտպանական համակարգը:

Այս տարի Բանակի օրվա նախօրեն առանձնահատուկ բովանդակություն ուներ:

Երեկ մեր երկրում առաջին անգամ պաշտոնապես նշվեց Հայրենիքի պաշտպանության համար զոհվածների հիշատակի օրը: Այն լոկ հիշատակման արարողություն չէր, այլ բարոյական հիմք և խոնարհումի վերահաստատում այն հերոսների առջև, ովքեր անմնացորդ սիրով իրենց կյանքը նվիրեցին հայրենի հողին՝ հանուն անկախ պետականության և մեր ժողովրդի անվտանգ ապագայի: Նրանց սիրանքը մեր ապրելու և արարելու իրավունքի գինն է, նրանց հիշատակը՝ Հայոց բանակի հարատևության գրավականը, իսկ մեզ համար պարտավորություն է՝ պահպանելու, զորացնելու Հայաստան պետությունը:

Այսօր բոլորիս առանձնահատուկ շնորհակալությունն ուղղված է այն զինվորներին և սպաներին, որոնք օր ու գիշեր կանգնած են մեր սահմաններին:

Հայոց բանակի կազմավորման 34-ամյակի առթիվ շնորհավորում եմ բոլորիս՝ մաղթելով մեր զինվորներին խաղաղ ծառայություն, ուժ և ամուր կամք, իսկ մեր ժողովրդին՝ միասնություն, խոհեմություն և վստահություն Հայաստանի վաղվա օրվա նկատմամբ:

Կեցցե՛ Հայոց բանակը:

Կեցցե՛ Հայաստանի Հանրապետությունը: